



咨



### 參議院咨覆妥存袁大總統受職誓書文

本日准大總統咨開茲由蔡專使元培等賈回袁大總統在北京受職誓書特派秘書長胡漢民送交本院保存云云當經本院將此項誓書一紙收到妥存此咨

### 交通部咨中華民國駐日公使請查前清粵督張鳴岐短欠交通銀行

#### 欸項文

爲咨查事據本部交通銀行總稽核員呈稱查得滬行各戶往來項下有前清粵督張鳴岐欠銀五十二萬五千七百兩等因查本部現在整理交通銀行所有以前存欠欸項均應一律查明公欸商本關繫甚鉅絲毫不能含混張鳴岐欠欸如許之多並未與該行算結殊屬不合聞伊現在匿跡日本神戶等處應請就近傳詢此項欠欸當時究竟作何開支飭其從速回粵料理清楚倘係私欠尤應趕緊措交如仍支吾延宕定當從嚴究追決不能因其鼠竄海外置之不問也除交通粵行有無張鳴岐欠欸應俟查明辦理外相應咨請貴公使請煩查照施行此咨

## 令示

### 教育部批江南寧屬女子師範學校校長呂惠如請立案呈

據呈已悉該校長繼續前業辦理江蘇寧屬女子師範學校並籌墊開辦經費熱心教育深堪嘉尚應即准予立案女學爲國民教育始基經營提倡尤不容緩該校長從事女子教育有年品學俱優夙爲女界推重尙期努力進行以宏女教而資表率本部有厚望焉此批

### 教育部批中華民國藥學會請立案呈

呈及會章等均悉藥學固自成一科不宜附屬醫學日本當改革學制之初未將醫藥分業遂致藥學之進步不逮醫學之速識者憂之查美洲及歐洲大陸諸國大率醫藥並重來呈謂一學必有一學之實斯有一學之名斷無附麗他學絕少獨立之性質而得成厥名者所論極是該會員等皆於藥學一科研究有素現擬組織藥學會力求精進倘能照會章第二十三條切實行之將來於藥學界必有所發明望勿始勤終懈是爲至要所請立案一節當即照准會章名冊存此批

交通部批江寧下關商會請照會皖都督發還泰昌公司輪船拖船呈  
據呈已悉已據情咨請安徽都督轉飭大通軍政分府發還該公司被扣各船矣仰即知  
照此批

### 交通部批李鶴遐請招股開辦利淮小輪呈

據呈已悉該經理擬就利淮公司舊有基礎招股開辦事屬可行惟查該經理係由皖都  
督札委且察核簡章是否官辦抑係商辦未經說明本部無從查核備案該經理如欲將  
利淮公司收爲官辦則應與前股東議妥資本呈請皖都督籌撥或官商合股亦可倘仍  
由商辦亦應與前股東接洽將以前帳目截清添招新股按照商辦性質辦理仰即酌定  
宗旨呈報到部核奪此批

### 交通部批台州旅滬紗業張利生等請核辦平安可貴永利三商輪公 司高抬運價呈

據稱平安可貴永利三商輪公司密訂私約高抬運價等情如果補紗每包計水腳五角  
今改訂收至三元未免有碍紗業發達候據情咨請浙江都督派員調查妥爲勸告總期

就務商業兩得其平咨復到部以憑核辦除咨請外仰即知照此批

### 交通部批徐文洞等組織中華鐵路路工同人共濟會請立案呈

呈及會章均悉我國工藝周秦以上已漸發達沿襲至今迄無進步良由工黨無集合之力一切學術智識難資歷練而策進行該發起人等組織中華鐵路路工同人共濟會以資研究考查誠爲知所當務所擬會章條理秩然尤堪嘉許准如所請立案尤望發起人等實力提倡進行勿懈本部有厚望焉此批

### 江寧巡警總監吳忠信發取締運用內城磚瓦辦法告示文

前據東一區區長何劫英呈報內城西華門一帶近日搬運磚瓦者紛紛不絕有插陸軍部旂幟者有插總局路工處旂幟者又有並無旂幟據稱係某軍隊者迭經阻止均置不理呈請速定統一辦法前來當查內城磚瓦概係公家之物有以公共名義往取警局若概行禁止實屬爲難但其中或有不肖之徒假託公共名義希圖漁利等事若不加以限制警局實難負保護之責擬請以後無論何界凡有工作需用此項磚瓦者均須先由警局或清查旂產處發給旂幟或護照俾於經過各區查驗放行呈請內務部核示並請者

明陸軍部轉行各軍隊一律照辦在案茲奉內務總長令開據呈限制拆用內城磚瓦所見甚是嗣後如有以公中工作名義需用此項磚瓦者須向巡警總局報領旂幟可由貴總監擬定辦法出示通告並令知區巡各官於此項磚瓦運經各區時切實稽驗始准放行以示限制而杜託名業經本部咨請陸軍部暨衛戍總督通飭所屬一律查照辦理以後如有搬運此項磚瓦驗無警局旂幟者無論稱係何處取用均着將所搬磚瓦一體扣留一面先將所擬領旂辦法並出示通告日期報部備查此令等因奉此自應遵照辦理茲特擬定取締運用內城磚瓦辦法六則俾資遵守除將取締章程並刊示通告日期分別呈咨內務部暨清查旂產處查照並令知附近各區隨時查驗外合亟刊章出示通告俾衆咸知此示

計開擬訂運用內城磚瓦辦法六則


- 一 內城磚瓦係公家之物不得私行運用
- 一 內城磚瓦凡以公共工作名義運用者必須由本局發給印旂方可運行
- 一 凡以公共工作名義需用此項印旂者必須由該公署局所備文聲明建築何項工程

需磚瓦若干塊一面咨請清查旂產處指定地點一面備文並空白旂布咨送本總局蓋印編列號數咨還備用以憑查驗

一凡運取內城磚瓦者須隨帶印旂給由附近各區崗警查驗放行如無此項印旂無論稱係何處取用得由附近各區將磚瓦一律扣留報告本總局核辦

一凡公共工作需用此項磚瓦者一俟照數運齊後即將印旂咨送本總局塗銷以杜私運

一凡運磚瓦車輛如有不服盤查應行罰辦者其磚瓦即暫存附近之區局隨時電請運取磚瓦之公署另雇他車往運不得藉口公共名義左袒車夫



### 紀事

#### 交通部電薩鎮冰任上海商船學校校長文

上海虹口義昌洋行薩鎮冰君鑒上海商船學校鑄造航業人材爲現時所亟需中道廢輟實屬可惜擬請閣下擔任校長以資整頓所需經費即請閣下切實核計部中自當儘力籌備以期早日開學無任翹企乞電復于右任叩交通部

## 閩都督呈報遵將行政各部先改爲司文

爲呈報事准內務部虞電開奉大總統令內開查各省光復以來地方官制均係各自爲制所定名稱難免歧異茲值中央政府成立關於設官分職事項允宜統籌全局從新釐訂以昭劃一當經法制局將中央行政各部官制編纂草案具呈前來咨交院議在案所有中央行政各部既稱爲部卽各省都督府所屬之行政各部應擬改稱爲司庶使中央各部與地方各部示有區別且各省亦已有行之者卽彼此更不宜有互相歧異之處合就令行該部卽分電各省都督將都督府所屬之行政各部先改爲司一俟地方官制草案議決後卽作爲確定可也相應分電各省一律照辦等因准此遵卽照改理合呈報伏乞大總統察照施行須至呈者

### 陸軍部職員名單

高等顧問官 吳祐貞 陳蔚 杜俞 王芝祥 鍾毓琦 陳雄州 二等顧問官倪謙 周詩 耿觀文 李書城 趙丹 凌昭 崔其樞 許适 劉懋政 路孝愉 費國祥 吳振黃 龔光明 陳晉

副官處

副官長何承濬 一等副官梅蔚南 徐少秋 胡國樑 高秉彝 二等副官徐乃嵩

孫伯文 傅鈞 李律 梅志和 徐尙忠 陳魯 三等副官王毅 劉

恢 黃異 副官處收發員胡昌林 張彬文 繪圖員楊重岳

秘書官

秘書長湯化龍 巴澤惠 黃中璫 金華祝 張銘彝

軍衡局

局長仇亮 副官唐璋 任官科科长彭琦 賞賚科科长陳長虹 一等科員

文錫祉 路孝忱 胡炳燾 陳俊 二等科員劉潛亮 張元騫 周頌彝 三等

科員楊葆毅 花呈祥 倪榮猷 額外科員周金科

軍務局

局長張孝準 軍事科科长張華輔 步兵科長陳乾 礮兵科科長夏國楨 工兵

科科长凌元洲 副官陳若楨 一等科員李華英 王季梁 二等科員康毓文 張



謂文 支士端 薩貞豫 三等科員沙湧潮 徐錫疇 陳守謨 吳鏡芙

軍械局

局長翁之麟 副官汪 翰 材具科科長吳宣和 槍炮科科長劉慶恩 一等科員  
李 任 二等科員冷秉彝 汪道生 胡宗銓 吳 和 何鳴皋 吳光傑 白  
武 三等科員俞 振 沈鴻鈞 馮宏殷 吳桂長

軍需局

局長曾昭文 副官馬宗燧 科長林鳳游 楊鴻昌 一等科員吳士先 胡光志  
李樹吾 傅鳴一 方漢城 徐乃燊 二等科員徐國亭 賀毓華 王竹懷 李大  
覺 傅維四 李韞珩 谷正倫 彭 驥 陳 果 潘 晉 三等科員龔家任  
江 漢 林 禮 唐叔虎 陳籠斌 劉家驥 歐陽望 黃海嵐 額外科員鄭瑞  
卿 購辦處調查員吳 啓 額外科員李克一 建築科長漆 英 額外科員彭啓  
瑞 軍需校長張叙忠

軍學局

局長張承禮 副官湯 愷 教育科長藍任大 步兵科長沈尙樸 騎兵科長唐  
多 砲兵科長李賓茂 工兵科長徐家瑤 輜重科長李雲龍 一等科員高振龍  
李著強 二等科員林建魁 周蔚文 戴鴻渠 三等科員李 濬 王昂離 吳洪  
謙 何裕邦

軍醫局

局長方 擊 副官姚夢虞 衛生科長張承學 醫務科長張修爵 一等科員張蘊  
忠 華 鴻 二等科員吳觀光 呂文雄 三等科員趙世晉 徐 寅 王觀海  
衛生材料廠廠長彭樹滋 薛宜琪 曾 牖  
軍法局

局長陳嘉會 副官傅長民 一等法官陳登山 二等法官邱祖藩 施金墨 楊紀  
字 郭光祖

雜報

陸軍部頒布陸軍傳染病豫防規則

第一條 本規則所稱爲傳染病霍亂赤痢腸窒扶斯天然痘發疹窒扶斯黃熱猩紅熱白喉百斯篤凡九種外陸軍總長所特別指定者亦在內

第二條 部隊內傳染病發生或其附近地方有傳染病流行之兆該部隊長宜速申報於其長官

第三條 該管長官受前條之申報時無論其爲師長或其他之長官悉宜召集該所屬最高級之軍醫徵其意見而計畫預防法之施行倘其病勢有蔓延之兆宜將情形申報於陸軍總長

第四條 部隊內或其附近地方有傳染病流行之兆該所屬最高級之軍醫須通報該衛衛戍地內所在之各部隊令於預防上爲同一之處置

第五條 傳染病發生時該地師司令部軍醫處長宜召集其所管各軍醫指示方針並徵防疫意見但要召集師司令部所在地以外之軍醫時須呈請所屬之師長或其他長官裁可

第六條 部隊內如有傳染病發生之事實該隊內軍醫宜即申報於該部隊長以要求

其速施豫防上必要之處置

第七條 部隊內軍醫及陸軍各衛戍病院所發見之傳染病患者宜按日列表報告於

軍醫處長

第八條 軍醫處長接到前條報告當速各查明病性及流行之狀況申報於軍醫局長

第九條 部隊內或其附近地方有傳染病流行之兆該部隊長當即派委防疫員專任

清潔消毒等事防疫委員中當有該隊內軍醫一名以上充之但無軍醫配屬之部隊宜將此情報於該長官

第十條 部隊內傳染病發生或其附近地方有傳染病流行當即視其緩急而施行左

列各項全部或一部

一 施行健康診察及其他必要之檢查以期傳染病之早期發見

二 厲行衛生演說俾得貫徹預防之意旨但演說場所須在操場之中

三 平常施行之清潔法宜更加嚴厲

四 實行消毒法

五 厲行營內兵士之隔離限制外人之出入甚則禁止交通

六 井泉溝渠廁所塵芥堆積場等視病性及狀況之如何或新設之或修改之或停止其使用

七 凡物件（飲食物在內）有傳播病毒之疑者當限制其出入甚則禁止之

八 凡物件有污染病毒之疑者未經消毒以前禁止其應用

九 禁止下土之外出並限制其散步區域甚則使初等官或中士領管之

十 發見百斯篤病人或百斯篤病鼠之時除施行前各項外尚宜厲行鼠族之驅除并病毒之檢索

十一 倘於營內或附近地方發見天然痘時當臨時厲行各士兵之種痘

第十一條 陸軍傳染病預防上消毒法另章定之

第十二條 傳染病豫防上認為重要之事項而施行上有關於地方者當由該部隊長與地方行政官或鎮鄉村長協議後處置之

第十三條 部隊內發見傳染病如百斯篤霍亂等猛烈傳染病發生時軍醫處長當將

其病名員數隊號發病時日等通知於地方官地方內倘有同樣之事實該地方官亦當以病名員數發病場所發病時日等通報於軍隊此項之通報如在師司令部所在地以外之部隊即由該部授受之

第十四條 部隊內苟有傳染病蔓延之虞認有隔離健兵於營外之必要時當由該部隊長徵其所管最高級軍醫之意見後呈請陸軍總長裁決但事勢急迫不及依前項之規則執行時隊長得便宜處置之處置之後仍須按序呈報於陸軍

總長

第十五條 陸軍各衛戍病院院長苟以設立時疫病院爲必要時當按次序申請於師長再由師長徵軍醫處長之意見後呈請陸軍總長裁決

第十六條 時疫病院之地址須選擇便於輸運之地而不宜設於交通繁盛之區亦不宜附於水源河流給水池之傍選妥地址後又須與地方官或鎮鄉村長協定之

第十七條 倘該地已設有地方時疫病院該部隊長得依時宜與地方官協議借用該

院之一部如地方官與陸軍長官交涉而欲借用陸軍時疫病院之一部時該師長得許可之

照前二項辦理者當預先協定經費分擔之法

第十八條 時疫病院之病室須分疑似病室輕症病室重症病室恢復期病室其他如事務室藥局試驗室看護人室消毒室浴室屍室廚房及污物燒場等均須設備但借用地方時疫病院或傳染病患者僅少之時得便宜取捨之

收容百斯篤病人之所須施適宜之設置以絕鼠族昆蟲等散播病毒之患

第十九條 無論何種病院凡收容百斯篤患者之時均須依前條第二項設置

第二十條 時疫病院中非經該所管軍醫之許可者一切嚴禁出入

第二十一條 時疫病院內之職員不得時常交代

第二十二條 從事於傳染病之治療及看護者須着避病衣及覆面具從事於百斯篤之治療及看護者除着用避病衣及覆面具外須加其他必要之預防具

第二十三條 新兵入營或在鄉士兵來應補充之召適值隊內發生傳染病時須由師

長具狀請示於陸軍總長後處置之

入營者及應召者之鄉里或其經過地方有傳染病之流行時辦法與前項同

第二十四條

對於入營之新兵及應召而來之在鄉士兵等該部隊長當令軍醫行必要之調查苟有感染傳染病之疑者須留於一定之隔離所

前項停留之日數當由該所管軍醫詳審各種傳染病之潛伏期與病性而定之以離開流行地或有毒地之日起算

第二十五條 行軍演習等實施以前該部隊長當令軍醫先行調查演習地方之情形

苟有傳染病之危險當講適當之豫防方法不適用者再選擇他所

第二十六條 傳染病患者之排泄物及其他之污穢物或燒却或埋去均須於一定之

場所行之

第二十七條 傳染病患者之屍體須經該主管軍醫完全消毒後埋葬於一定之墓地

但墓地須經該主管軍醫之選擇

第二十八條 各部隊關於傳染病預防計畫所實施之事項須由該部隊長報告於該



管長官再由該管長官彙報於陸軍總長

第二十九條 部隊內傳染病流行期內自發生至終熄之間該部隊之軍醫須詳記其所管患者之員數經過轉歸發病之原因傳播之狀況及其他所實行之清潔消毒法等報告於其所屬之軍醫處長再由軍醫處長編纂傳染病流行紀事申報於軍醫局長

第三十條 營外居住之軍人軍屬其本人染傳染病或其家族中人感受傳染病時非得其所屬長官之認可不得出勤

第三十一條 本規則對於傳染病疑似症得適用之

第三十二條 本規則所載關於士兵之規定亦得適用於陸軍學生

第三十三條 本規則所載關於傳染病預防法凡中華民國所屬之各軍隊均準用之





臨時政府公報

雜報

第四十六號

十八



# 臨時政府公報 附錄

中華民國元年三月二十三日星期六

隨報附出 不另徵費

## 電報

孫大總統鈞鑒查各省通用銅元銀幣均以滿清舊樣現神州光復建設共和總統已立民國基礎確定亟應鑄造以重國法而崇國體擬請飭部議定速造中華民國銀銅元新模頒行通用以便陸續收回舊幣免致淆亂耳目滇都督錫叩健（益陽來電四十七）

北京袁大總統南京孫大總統黃陸軍總長參議院武昌黎副總統各部首領各省都督公鑒錫鑾奉令署理直隸已於三月十八號任事特此奉聞錫鑾巧（濟南來電四十八）

孫大總統鑒陸軍惠軍劇戰現已調息惟陳督決辭請催汪精衛君返粵以維大局軍團協會翰（廣東來電四十九）

南京孫大總統鈞鑒虞電洵屬公論孫武君現充本府高等顧問官食上一級俸特電奉聞以釋塵念元洪篠（武昌來電五十）

大總統鑒接王芝祥諸君電芝祥等前奉江電以陸軍黃總長興如仍有歸田之意必當堅執前議極力挽留具見大總統維持大局之至意現南方各軍隊因聞黃總長仍有告去之志咸惴惴不安南方各省隊伍多係民黨臨時招募以黃總長爲民黨最信仰崇拜之人整理一切尙有爲難之處若易生手危機卽發彼時卽竭力維持大局已不堪設想總之民國安危全視軍隊之能維繫與否以爲擔任芝祥等研究內外情勢參酌各軍性質不敢知而不言萬乞大總統竭力挽留勿令黃總長潔身而去以定大局而固軍心仍求先行電諭等語同時奉電克強必欲遂其初志等因克強兄才識品學凱前數年已佩之非自今日始也今必決然遠引國家艱鉅誰與任之且目前維持軍隊關係尤重望再將元電婉商爲感餘由少川面達袁世凱諫

(北京來電五十二)

袁大總統參議院孫大總統黎副總統各省都督各報館均鑒頃接趙爾巽文日通電云殊堪詫怪現在共和告成國基已定自當各泯猜嫌化除黨見趙爾巽於共和後肆意殘殺慘無人理名爲贊同實行殺戮南方人幾無噍類爲世公敵豈待蔚言其前後行爲司馬之心路人皆見專制時則指黨人爲革匪共和後則指黨人爲土匪自謂保全秩序

實行誅殺同胞張作霖何人任其騷擾張榕等何罪致受誅夷蹟其罪狀神人共憤蔚不敢冒昧進行者誠以東省危如累卵一或不慎動釀外人干涉故事事均爲隱忍至於有備無患誅滅公敵之心固我同志且夕不忘者蔚不才不屑與人爭都督亦不願與人爭口舌但求東省同志死者得以瞑目生者得以保全蔚卽請辭職以免遭人疾視謹此即乞大總統鑒核電示遵行是幸藍天蔚叩寒

(烟台來電五十二)

長沙譚都督武昌黎副總統南京孫大總統上海溫欽甫君尊處呈大總統刪電誦悉查自上年各省起義後所有各項借款暨各國賠欠屆期應付者均無款可付各國要求將全國關稅歸總稅司統轄以備撥用信用所關若不照允則以後中國不惟不能再籌商借款且恐於財政上難免強硬之交涉嗣經協商辦法訂定各關所收稅項每星期匯交上海分存匯豐德華道勝三行爲歸還洋債賠款之用至中國政府復能償還洋債賠款之時爲止此係利害取輕不得已而暫行之辦法稅司雖洋員猶是中國所用存款則中國各銀行信用既全失不能不交付洋行現已將陽歷正月分前到期各借款本利付清惟賠款則自上年華歷九月以後概未照付所收稅項不敷尙鉅各國仍屢以抵押賠款

之鹽務進項亦須交出爲言此時遠議收回辦法勢難辦到惟有俟新政府成立後即籌畫財政俾暫欠之款一概清還以後應行償還各款亦有把握則各關收稅事宜自可規復舊制除分電南京武昌上海電復譚都督外謹復達惟德皓

(北京來電五十三)

南京孫大總統鑒皓電敬悉馬公督贛功成不居德昭克讓護送行旌自應遵辦已飭湖口楊統領金標妥爲照料矣謹復烈鈞叩芻

(南昌來軍五十四)

南京孫中山先生鑒王和順之變陳都督用兵平定鎮撫危局反遭疑謗因而辭職若果離任大局恐難保全連日各地商民紛電本省挽留輿情可見本會商人原不敢妄干政事但桑梓生命財產商務所寄未便袖手不論故即日集衆公決事關大局安危謹將實情奉達希設法以維粵局駐港香邑僑商會所卓堯峯陳賡虞唐溢川等叩籲

(香港來電五十五)



## 告白

### 總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該

處以三日爲限過期揭去嗣後凡來本府投遞呈件人等希一體知照總統府秘書處白

### 中華民國實業部附設實業公報簡章

本報爲中華民國實業部之機關報故名曰實業公報

本報以宣布實業法令灌輸實業學識爲宗旨

本報暫定門類如左（無則姑闕）

- 甲 圖畫
- 乙 法令
- 丙 著論
- 丁 譯述
- 戊 調查
- 己 電報
- 庚 紀事
- 辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折

### 外交部廣告

本部於三月二日遷鼓樓前獅子橋所有電報公文各項函件希按址投遞爲盼



本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其  
子目見前
- 四 本報日出一冊如遇國家紀念日星期日政府停止辦公時本報亦休  
刊一日
- 五 政府對於各地所發令示或宣布法律凡登本報者公文未到以本報  
到後爲有效
- 六 凡各官署皆有購閱本報之義務唯具印文請領者皆照定價五折徵  
納餘另詳前價目表

# 本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

## 外埠經售處

鎮江 興漢日報

常州大街老王大昌

無錫光復門內新橋二十一號會瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

民立報分館

蕪湖 中國日報

廣州 軍事報

香港 民意報

天津 大同報

舊金山 中西報

檀香山 少年報

自由新報

印刷所 臨時政府印鑄局工廠